

清異錄

一函  
四冊

植物部一

蔬穀類

韓子禹身執藁函以為民先函即插字

漢文帝詔今農墜身從事而有租稅之賦

陸龜蒙身畚鍤株刺無休時註株刺除草也

蘇詩秋霖暗豆莢夏旱癯麥人本草蕎麥取人作飯食  
之下氣蓋麥之心曰人

范石湖咏吳米詩長腰瓠犀瘦齊頭珠顆圓

廣志香秔有青幽白夏之名

刈稻後得雨復抽餘穗謂之穉孫見坦齋筆衡

禾不因種而生曰稻侯景作亂貴家大族皆自出采稻  
所謂稻生是也

罷亞稻多貌

宿麥註舊也麥必經年而後熟

山谷詩夏栽醉竹餘千個春糞辰瓜滿百區齊民要術  
二月辰日宜種瓜

洪邁老圃賦云織女耀而瓜薦大昴中而芋食春秋元  
命苞云織女星主瓜果孝經援神契云仲冬昴星中收  
芋莒

清異錄吳越錢氏子弟逃暑取一瓜各言其子之數言  
定剖觀負者張宴謂之瓜戰

廣志有龍蹄獸掌羊髓兔頭皆瓜屬陸機賦有金釵虎  
蟠玄骸素腕皆瓜名

山谷咏菜曰雨甲烟苗

養生談錄曰韭性暖號草鍾乳

宋宇種蔬三十品雨後行園圃曰天茁此徒助予鼎俎  
家復何患

王彥章壘壇種花急欲苔蘚而經年不生曰叵耐這綠  
物兒

令草宜男花也

以博  
玄賦

述異記苔名重泉亦呼宣蘚亦名妬草廣博物志苔為

青膚一名鼃蟻衣

馬希範病酒厭膏膩袁居道曰大王今日使得貧家纏  
齒羊謂蔬茹也

書帶新抽屏風互發皆言草也書帶出鄭玄屏風見楚辭

如草旣薙厥藂其猶有綴芳

紫龜綠鼈並太液池草名

蘆葍一名電突

見廣志

韓退之聯句鴻頭排刺芡山谷詩剖蚌煮鴻頭鴻頭芡也

列子趙襄子狩於中山藉苻燔林苻舊草未芡新草又生也

瓦松謂之昨葉垣衣謂之昔邪吳均詩惟對簪邪房如愧蜘蛛屋

佛經云奇草芳花能逆風聞薰江淹別賦閨中風暖陌  
上草薰正用之六一詞云草薰風暖搖征轡又用江淹  
語

蓮實一名水芝又名湖目王芝詩綠齊山葉滿紅曳水  
芝銷

卯菱即茨也

見管子註  
五行篇

植物部二

花果類

陸機與弟書張騫為漢使外國十八年得塗林塗林謂  
安石櫛也

石櫛一名丹若一名天漿

湘潭記陸展見楊梅嘆曰此果恐是日精

越州人呼楊梅為櫻梅

見能改嘉慶錄

文與可朱櫻歌曰凝霞作丸珠尚輒油露成津蜜初割

君王日午坐猗蘭翡翠一盤紅鞞鞞

橄欖為諫果苦筍為諫筍

甘蔗一名諸蔗出相如賦一名都蔗出曹子建詩亦作邯鄲出神異經

艾一名冰臺

見爾雅

臯盧昌明皆茶名皮日休云十分煎臯盧白詩有綠昌

明

橘曰木奴松曰蒼官

笋為竹萌出周禮亦名竹胎出說文

櫻桃一名鴛桃亦名含桃

茶名森伯又名晚甘侯

見清異錄

蓬蘽蘆花也

唐詩門外晚晴秋色老萬條寒玉一溪煙蓋指竹也

宋懷春望詩都尉新移棗司空始種楊漢人尹都尉著書各種植法有棗鼠耳槐兔目之語淮南子二月之官司空其樹揚

記勝之書栽樹正月為上時二月為中時三月為下時然棗鷄口槐兔目桑蝦蟆眼榆負瘤散其餘雜樹鼠耳蜜趂各以其時

栝松百年即有白衣如粉謂之艾蒨香

出本草

劉餗每荔枝熟時設紅雲宴



露甲瑞香也

寧王每春時於後園紐紅絲為繩綴金鈴繫花梢之上  
有烏雀翔集則園吏掣鈴索以驚之號護花鈴

南溪貴瑞趙純節喜芭蕉軒窓館宇咸種之時號蕉迷  
綠條散風清陰交陌盛弘之荊州記交柳  
越多橘柚園歲多橘稅為橙橘戶吳書闕尚表請除臣  
之橘籍

白楊一名高飛一名獨搖

見廣志

皮蕃食竹筍曰三年不見羊角哀矣

懷素貧無紙學書常種芭蕉萬餘以供揮灑名曰綠天  
作種紙庵

沙門曇霄種葡萄人號草龍珠帳

唐穆宗宮中牡丹花開以重頂帳蒙蔽欄楹置惜春御  
史掌之號曰括香使

地黃一名地錦

見雷公炮炙序

醫家謂棗為百益紅梨為百損黃

溫庭筠謂葡萄是賜紫櫻桃黃葵是鍍金木槿

仙家呼枸杞為三青蔓

將離贈芍藥芍藥一名可離相招贈文無文無一名當  
歸欲人忘憂贈丹棘丹棘一名忘憂欲人蠲忿贈青裳  
青裳一名合歡

菊一名憂生一名日精一名女華一名周盈一名禽華

一名傳延年

陶穀作荀墓誌曰邊幼節字脆中晉林琅玕之裔也以湯死

杏不實者深冬以酒奠而祝之謂之嫁杏明年結子無數江淮亦有嫁橘法

綠英金片皆茶名唐六典

雨脚雲花茶

白傅紫薇詩除却微之應見愛世間少有別花人薔薇詩移他至此須為主不別花人莫使看

唐末文人呼芍藥為婪尾春婪尾酒乃最後之盃芍藥殿春故以名

司空圖詞謂梨花為瀛州玉雨

婦人取醪醱置書冊中冬間插髻謂之花腊

鹿韭鼠姑俱牡丹舊名

出神農本草

游仙記王母居龍月城有李實上皆有黃中二字又王母遺黃帝有上清玉文之李

酉陽雜俎人有折博陵君豹山園桐枝者公曰何為傷我鳳條

古詩風搖羊角樹日映鷄心枝羊角雞心皆棗別名

本草菊一名傳延年朱新仲詩三徑誰從陶靖節重陽惟有傳延年

嶺南竹曰澀勒

國之君一人而世守其國深小國無君者公曰何意則  
君之君也君之君也君之君也君之君也君之君也君之君也

故曰君之君也君之君也君之君也君之君也君之君也君之君也君之君也君之君也

故曰君之君也君之君也君之君也君之君也君之君也君之君也君之君也君之君也

故曰君之君也君之君也君之君也君之君也君之君也君之君也君之君也君之君也

動物部一 羽族類

師曠禽經鳳凰一曰瑞鷗一曰雞趣

潘岳射雉賦靡聞而驚無見自鷺註鷺音脉疑也

廣志鷓鴣飛必南翥故曰懷南江右曰逐隱

鶴賦曰眷彼軒郎治茲松府

相鶴經曰鶴者仙人之騏驥

郝翰畜雞數百外甥丁權伯以殺生為勸翰曰汝要我

破除羹本雞親而實疎也

括地圖孟戲人首鳥身為虞氏馴百禽夏后末民始食

卵孟戲去之鳳凰隨焉抱朴子翠虬覩化益而登玄臺

靈鳳值孟戲而返丹穴

揚雄傳註布穀一名買。斲蓋聞其聲則思買。斲錡以布

穀也。

禽經鳳靡鸞吡百鳥瘞之註鳳死曰靡鸞苑曰吡

文選百卉其零剛蟲剝擊鷹隼之類是也。

鸚鵡一名阿蘇。

方言黃鸚謂之鷓鷃又名商庚或謂之楚雀毛詩義疏

謂之搏黍。

鵲與燕皆名神女。見古今註

韓愈薦士詩鶴翎不天生變化在啄菴菴音暴鳥伏卵

也。

養鷹鷗者謂之味。以麥反漱宋三館書有味漱三卷皆養鷹

鷓法具醫療之術

葳經呼喜鵲為芻尼

見許彥周詩話

杜宇一名謝豹顧況詩綠樹村中謝豹啼

劉孟新宮詞悶傷雕籠問翠哥翠哥鸚鵡也

荆公詩曰蕭蕭掉黍聲中日漠漠春鉏影外天搏黍黃  
鸚也春鉏驚也蕭立之詩曰溪流清淺春鉏曉籬落荒  
涼絡緯秋黃魯直尺牘言割春鉏之股以噉於菟  
本草布穀江東人呼為郭公

動物部二

毛蟲類

天中記象一名大容梁荆法師曰象一名伽那

梵書謂鹿為伊尼山谷詩照灘行郭索焚野得伊尼



後唐瓊花公主有二貓一白而口啣花朵一烏而白尾  
主呼爲啣蟬奴崑崙奴已

貓一名烏圓一名白老

郭林隱居泰山畜一胡孫謹恪不踰規矩呼爲尾君子  
埤雅飛鼯甘烟走貌美鐵嗜好不同未足怪也

子虛賦云獲若雨獸註言殺獲之多如天之雨獸也

酉陽雜俎野狐名紫夜十道名山記載狐自稱阿紫

吳郡疏支道林好馬其最愛者曰頻伽嘗飲頻伽於橋

下馬渡處忽生蓮花

清賞錄李白有馬名黃芝

呂布御良馬曰赤兔能馳城飛墜

漢文帝有良馬名紫燕曹洪與魏武帝馬名曰白鶴張  
飛有馬名玉追又曰豹月鳥

淮南子曰馬聾蟲也而可以通氣志猶待教而成况人  
乎

父馬牡馬也

河精曜彩似伏波之鑄銅震象飛文笑東瀛之刻玉  
司馬相如封禪文招翠黃乘龍於沼註翠黃乘黃也漢  
書禮樂志訾黃其何不徠下即翠黃也

張彪有義犬名黃蒼可對白赭

肅霜馬色如霜紉騏者馬文如博棊

木蘭詞願借明駝千里足送兒還故鄉駝臥腹不帖地

屈足漏明則走千里故曰明駝唐制驛置有明駝使非  
軍機不得擅發楊妃私發明駝使賜安祿山荔枝見小  
說

駝馬牯馬也俗謂之扇馬

獬廌觸邪一名神羊窮奇逐妖一名神狗見山  
海經

梅聖俞有馬名鐵獺潘昉有鶴名紫卿

驢曰衛子。或言衛地多驢故名。或言衛靈公好乘驢車  
或言衛玠好乘跛驢

杜光庭犬名吠雲可行萬里

狗識人意指曰周狗出公  
羊傳

西京雜記李亨好鷹犬狗有修毫蒼睫白望青曹之號  
狗謂之烏龍白少傅和遊春詩烏龍臥不驚青鳥飛相

逐韓渥詩洞房深處不曾開橫卧烏龍作妬媒

韓盧宋鵠良犬名盧純黑色鵠黑白色李賀詩練香薰

宋鵠獵犬而以香薰之蓋貴公子驕奢之態

下標郭椒牛名可對韓盧宋鵠

蘇詩寒窓暖足來撲渥夜鉢咒水降蜿蚺古樂府雄兔  
脚撲椒雌兔眼迷離

動物部三

蟲魚類

晉禮樂志苑窠蠶神窠烏瓜切

蠶一名蠅蛾一名女兒又名龍精荀子蠶賦儻儻兮其  
狀屢化如神註儻儻無毛羽狀

說文虬螭蝓蝓也東坡詩壁經梅雨畫虬螭

爾雅潛基蟋蟀也韓詩幽響泄潛基音拱又居用切  
蟻一名蠶蟻亦名玄駒

莎雞絡緯也促織蟋蟀也古今注合為一物誤

江海間有魚游必三如媵隨妻人號婢妾魚

劉臻好啗蜺以音同父諱呼為扁螺

河鮑本名鮪魚

見左大  
沖賦

蝦蟇謂之蛤裴廸詩草堂荒產蛤茶竈冷生魚東坡詩

稻涼初吠蛤柳老半書蟲

崔豹古今注曰河內有人嘗見人馬滿地如黍米大取

火燒皆作蚊蚋飛去因號蚊為黍民

蟹曰無腸公子龜曰先知君

出抱朴子

為典曰比丘患草蟲佛聽作拂子註草蟲昏蟲也又曰

下門蟲

也

有足曰蟲無足曰豸

蛺蝶一名野蛾大者為鳳子亦名鳳車見古今注採蘭

襍志一名春駒

白鳥蚊蚋也丹良螢也古今註螢一名景天

水鴨蛙也今人呼水雞本此

玄蟲蟬也

出子  
建集

習鑿齒襄陽耆舊傳云漢水中鱖魚甚美常禁人捕以  
槎斷水因謂之槎頭鱖宋張敬兒為刺史作六櫓船置  
獻齊高帝曰奉槎頭縮項鱖一千八百頭孟浩然屢用

之

張籍詩江村亥日常為市山谷詩云魚收亥日妻到市  
李淳風易鏡占云取魚卦宜二水又云取魚宜見水忌  
土蓋亥子屬水故也

薛道衡文足足懷仁般般擾義足足鳳也般般麟也說  
文鳳鳴節節足足相如封禪書般般之獸樂吾君囿  
天鷄之為莎雞也蜚鴻之為蟻蝶也蒲盧之為螺贏也  
蛤之為蝦蟇也白魚之為衣蟲也王孫之為猴也白鳥  
之為蚊也赤鳥之為螢也皆以大名小者也蠃鼠之為  
牛也以小名大者也

馬通馬糞也見後漢書戴就傳白鴨糞亦名鴨通楞嚴

經註以牛糞爲茹。退二字新。





人事部一 賢愚類

北方謂媚好為詡畜

出漢張敬傳

漢書攻苦數淡注勤苦用功曰數

漢書圍奪成家為豪傑註禁守其人而奪其物也

盧杞諂諛阿匿楊再思阿匿取容

阿隨之譬曰如驂之靳

出左傳靳車中馬也

王肅性輕佻頗以功名自許護疵稱伐少所推下

爾雅矜憐撫掩註猶撫恤也

鼂錯傳外無騫污之名騫損也污辱也

後漢鄧訓西羌兩傳皆有首施兩端註猶首鼠也

睽睽貪財之貌

出經史正音

崔浩言屈丐擲豎小人言擲起自豎立猶言暴發也  
莊子喬詰卓鷲喬好高詰好辨卓孤立鷲猛厲也  
袁紹傳操本無令德標狡鋒俠

古雋曰閃榆傾佞之貌

庾太子傳贊曰千秋才知未必能過人也以其銷惡運  
遏亂原因衰激極道迎善氣傳得天人之祐助云  
孝武末年嗜酒好內而會稽王道子昏營尤甚

盧植上書曰今之禮記特多回穴註紆曲也

莊子一命而呂鉅註驕矜貌

後漢陳忠疏曰若嘉謀異策宜輒納用如其管穴妄有  
譏刺雖苦口逆耳不得事實且優游寬容以示聖朝無

諱之美

武帝問東方朔方今公孫丞相兒大夫等皆辨知閎達  
溢於文辭先生自視何與比哉對曰臣觀其函齒牙樹  
頰胘吐唇吻擢項頤結股脚連脰尻遺蛇其迹行步僞  
旅臣朔雖不肖尚兼此數者註遺蛇猶逶迤也僞旅曲

躬貌

楊惲曰脰脰者未必全也註直貌

趙充國曰諸君但欲便文自營非公家忠計也

陳湯儻葛不自收斂○儻蕩不備

誅誕無檢也

漢書虞詡疏公卿選儒容頭過身蓋以猫犬喻之凡猫  
犬鑽穴頭可容身即過矣

史記人貌榮名貌音墨猶頂戴也今人猶云頂好名曰燕王旦令羣臣曰子大夫何以規佐寡人又曰今寡人欲橋邪防非章聞揚和

執事大人曾不歷算周思以為宿謀方且崑岸抑揚自以為廣大繁昌莫已若也杜牧言河此之弊

食和染教皆為善良

褚遂良頌語

袁聿修少年平和溫潤素流之中最為規檢為尚書郎十年未曾受升酒之遺

比其人曰時人以輩前世某人

出後漢書循吏傳

江革遇賊詞氣愿款有足感動人者唐書多用此字

王叔文淺中浮表

孫儒以趨下橫里中

王遵遺牛邯書云王之將吏羣居穴處之徒人人抵掌欲為不善之計註穴處言所識不遠也

蘇純有高名性強急而持毀譽註謂執毀譽之論也

梁冀洞精矐眄註洞通也矐它蕩反目精直視也

蔡人習偽惡相掉許獷戾有夷貊風

渠凶宿狡

見北齊從謹傳

後漢書瞻勢益殖註殖生也言其惡愈肆也

或因罪而引高或色斯以求名

左雄疏語

李固傳論曰專為義則傷生專為生則騫義也

註達也

舉中於理則強梁褫氣片言違正則廝臺解情

劉表以王粲貌寢而體弱通侻不重也註通侻簡易也  
范滂傳論曰李膺振拔汙險之中蘊義生風以鼓動流  
俗激素行以耻威權立廉尚以振貴勢使天下之士奮  
迅感槩波蕩而從之幽溪牢破室族而不顧至於子伏  
其死而母歡其義壯矣哉子曰道之將廢也與命也  
孔融發辭偏宕多致乖忤

孔融傳論曰若夫文舉之高志直情其足以動義概而  
忤雄心故使移鼎之迹事隔於人存代終之規啓機於  
身後也夫嚴氣正性覆折而已豈有負園委屈可以每

其生哉

每會也

丁鴻上封事曰左官外附之臣依托權門註左官者人道尚右舍天子而事諸侯為左官外附謂背正法而附私家

韓法草王璵詔無借言及當國貶法兄弟

漢書公卿以下見陛下進用輔亟而拆傷之暴人有懼心精銳銷奕

仲長統傳中世之選三公也務於精慈謹慎循常習故者是婦女之檢柳鄉曲之常人耳惡足以居斯位耶黃瓊疏曰陛下不加清徵審別真偽本出楚詞君含怒以待臣兮不清徵其然否

趨庭之狀曰首下尻高

韓子



陳壽高堂隆傳贊曰隆學業修明志存匡君因變陳戒  
發於懇誠忠矣哉及至必改正朔俾魏祖虞所謂意過  
其通者歟註謂意料之說反過其學之所通習也

三國志關羽傳曰馬超降蜀羽遺書諸葛亮問其爲人  
亮知羽護前答書曰孟起兼資文武可與益德並驅爭  
先猶未及髡之絕倫超羣也綱目梁武帝與沈約共疏  
粟事約少上三事曰此公護前不則羞死護前蓋好勝  
也

捍磬矯激也

出禮記

魏舒不爲皎厲之事註皎者求以暴白於世厲危行也  
傳異目龐統爲半英雄

袁宏贊曰堂堂孔明基宇宏邈初九龍盤雅志彌確苟非命世孰掃雰雰釋褐中林鬱為時棟

灌夫不好文學喜任俠已然諾註已必也

張紘與孔融書曰虞仲翔前頗為論者所侵美寶為質彫摩益光不足以損

武帝紀詳延天下方聞之士咸薦諸朝註詳悉也延引也方道也聞博聞也

儀禮云以禮下賢賢者藁藁而歸之漢書有株送

又詔曰朕思遲真士側席異聞遲持二反希望也

常袞懲元載敗室賣官之路非文詞者皆擯不用世謂之齮伯以其齮齮無賢不肖云

後漢書董仲綬智為儒。臬唐蘇楷河朔人目為衣冠士。臬

俗謂不通時宜者為方頭。陸魯望詩云頭方不會王門事。塵土空縑白紵衣。

董皇后傳汝今翰張怙汝兄耶。註猶強梁也。

孫權曰長文之徒昔所以能守善者以操笮其頭畏操威嚴不敢為非耳。

杜周少言重遲而內澁次骨。

吳張溫少有盛名顧雍以為當今無輩。

郭解少時陰賊感槩又季布傳贊婢妾賤人感槩而自殺非能勇也。

貨殖傳報強吳刷會稽之耻段會宗傳終更亟還亦足以復雁門之跼註跼隻也

蕭傲清舉儉德時所推服常統戎於番禺有酌泉投香之譽

盜謝趙咨曰所犯無狀干暴賢者

出後漢書

後漢書朱穆銳意講誦或時思至不自知亡失衣冠顛隊阬岸其父常以為專愚幾不知數馬足

後漢書劉陶訟朱穆曰誠以常侍貴寵父子兄弟布在州郡競為虎狼噬食小人故穆張理天網補綴漏目羅取殘禍以塞天意

郭解其陰賊著於心本發於睚眦

著音著

地理志民俗質木

明山賓嘗貨所乘牛既售謂買主曰此牛經患漏蹄阮孝緒嘆曰此言足使還淳反朴激薄停澆矣

唐書封倫善矯飾人莫探其膺肺

晉書史疇肥大時人目為策伯策字音盆去穀

遲頓不及事

類事

人事部二 竈類

江革每朝會帝使虎賁扶持及進拜恒目禮焉註獨視之也

恐懼曰神藥形如

見魏都賦

又曰倮身屏氣

張登

俯伏曰蟻伏

彭雄

遭際曰變奇成偶

王僧孺

魏都賦弛氣離坐愼墨而謝註愼墨面色變黑也

陳湯傳家貧乞貸無節

匡衡傳但以無階朝廷

韋巨成傳五世墳僚註墳空謂無官也

張敞傳把其宿負

劉晏傳爨無盛烟

宋意傳衍食他縣註謂旁食也

陳子昂集冥骨甘矣

光武雖制御功臣而每能回容宥其小失回曲也

出馬武傳

王仲宣詩夙夜自忤性註嘆息也

辭隆從容

出桓彬傳

先游介紹也猶言先容

出鄒陽傳

常安民制策重足側目腹誹心呶心呶

出爾雅

註謂口不敢

言而心竊鳴呶也

魏明帝起土山於芳林園使公卿群僚皆負土董尋疏曰陛下既尊群臣顯以冠冕被以文繡載以華輿所以異於小人而使穿方舉土而目垢黑衣冠了烏毀國之光以崇無益甚非謂也註方穴土為方也了烏摧敝之貌

柳文鑄譙四至音煎嚙責詰也

陸宏言漢帝宜誰差天下求索賢人禱以帝位註問擇也。

趙憲為從兄報仇值其病釋之仇皆卧自搏註叩頭也

鄧騭貴戚傾時無所下借假借也

李充傳

榮華丘壑甘足枯稿

黨錮傳論

民庶窮困州郡累氣

屏息也劉祐傳

晉隱逸傳士女駢填車服燭路

淮南子沐浴而抒溷薰燧而負珣註燒薰自香楚人謂之薰燧

芻罵腹詛

出言



鍾離意上疏曰不勝愚戇。征營罪當萬死。註不自安也。

排。迨。蹙。迫也。

出音融傳

竇憲率羗胡邊雜之師一舉而空朔庭。而後世莫稱者。章末釁以降其實也。

中行說謂漢使曰。漢使無多言。顧漢所輸匈奴繒絮米。藥令其量中必善美而已。註中滿也。量中者滿其數也。鮑宣言董賢使奴從賓客。漿酒霍肉蒼頭。盧兒皆用。致富。註視酒如漿。視肉如霍也。諸給殿中者所居為廬。蒼頭侍從。因呼為廬兒。

季布傳贊曰。夫婢妾賤人。感槩而自殺。非能勇也。其畫無俚之至耳。註俚。聊也。賴也。

張湯奏事被譴推謝

焦氏易林有云解我胃。春胃春卽詩所謂憂心如擣也。戰國策甘茂與樗里疾為買首之仇。買首者願以己首易人之首也。

大雅板篇云民今方斲。斲殿屎音店。希民呻吟愁也。

陰興知行貧數欲本業之。

馮衍傳

馬周疏云貞觀初率土霜儉。霜儉猶寒儉也。

又曰脅肩索足猶懼不見釋。

又曰方洋天下註方洋猶翱翔也。

人事部三 言動類

懶放不勤事曰蕭。枕見文選閑暇所為曰以篇詠佐琴壺。見劉禹錫

行役之勞曰足繭手脰

劉夢得

後漢書竇憲奪公主園田帝出過園以問憲憲陰喝不得對註猶噎塞也

王敬則誘降劫賊引神為誓必不相負劫帥既出敬則於廟設會曰吾啓神若負誓還神十牛今不得違誓即殺十牛解神并斬諸劫

張昭曰言聲一放猶拾瀼也過詞在前悔其何追夏馥行質直同縣高氏蔡氏皆富殖郡人畏而事之惟馥比門不與交通註猶並門也

爾雅以事相屬累為誣誣

王青遇賊被矢貫音聲流喝郡守以青有金夷竟不

能舉註喝一介反夷傷也

高元海譖祖珽珽見帝自辨曰必元海譖臣帝弱顏不

能毀註見人自羞者謂之弱顏

毀一作諱

鹽鐵論言百戲之目有唐梯追人唐訓空莊子求馬於  
唐肆佛經福不唐捐是也唐梯今之上高竿是也追人  
追猶追琢今割截人易牛馬首

澡手謂盥滌面謂類

賈誼新書言有四術言敬以莊朝廷之言也文言有序  
祭祀之言也并氣折聲軍旅之言也言若不足喪紀之  
言也

張九齡善談論每與賓客議論經日滔滔不竭如下坂

走丸也

王嘉傳有案脉唐宮中以診脉為對脉

游雅云崔司徒得罪起於纖微詔旨臨責司徒聲嘶股栗殆不能言謂浩也

宋范曄謀逆就刑於市妻罵曰身死固不足塞罪奈何枉殺子孫曄乾笑而已

兩人立門內外語曰闔門而與之言出公羊傳又曰踣闔而語

光武令王霸至市中募人將以擊王郎市人皆大笑舉手邪揄之

暴勝之躡履迎雋不疑躡音纏履不著跟也

索遊以干索遊也

曲禮記童子事曰負劍辟咎詔之鄭氏註曰負謂置之於背劍謂挾之於旁辟咎詔之謂傾頭與語口旁曰咎歐陽公瀧岡阡表曰回顧乳者劍汝而立於旁正用此義今廬陵石刻猶存或者不曉遂易劍為抱可嘆也

容筆

摩勒傳紅綃妓軸簾延客入軸簾言捲之如軸也

水事淮南子九疑之南陸事少而水事多茶事皮日休詩序曰各補茶事十數春事唐詩春事無多櫻筍來硯北雜志云今人不善乘船謂之苦船北人謂之苦車苦音庫今江南人有蛀船蛀轎之名不聞謂之苦

蕭子恪諸弟並有文學嘗謂人曰文史之事諸弟備之

矣不復煩吾牽率但退食自公無過足矣

夢神曰趾離

出致虛閣梅組

左傳臣有足疾君將膏之膏音羶說文作設音却嘔也  
文選淡漱手足註灑滌也昌黎詩漱淡甘瓜濯  
琴賦畱連瀾漫盥噉終日盥噉大笑也

日磬奏厠心動註奏向也

淳于髡傳親有嚴客春鞬鞠臆侍酒於前註春音春收  
衣袖也

北史徐遵明聚徒教授懸納絲粟畱衣物以待之名曰  
影簾

決臯詩話孫字呼關切頑也劉夢得有杯前酒膽孫之

句

劉騰奸謀有餘善射人意

管子毀訾賢者之謂訾推譽不肖之謂讐

趙后傳武因問客陛下得武書意何如曰慳也註直視

貌

公羊傳魯昭公蹢然而哭註高聲也

周禮無感自夢曰噩夢

呂太后酌鵠酒令齊王為壽齊王起帝亦起欲俱為壽

太后恐自起反。屮反音幡

蕭何多買田地賤貫賁以自汙

齊文宣崩魏收聞諱掩淚失聲陽休之嘔眉而已人問



休之對曰天保之世魏侯時遇甚溪鄙夫以眾人見待  
伎哀詐泣實非本懷

龔壯詐稱耳聾手不制物註若病風緩然也

燕公斌好畋獵常懸管而入註管城門管鑰也

賈人田甲張湯為小吏與錢通註為錢財之交也

桓伊請一吹笛人曰御府人於臣必自不合臣有一奴  
善相優串

周師援高仲密蓐食乾飯及至皆喉燥謂渴也

齊神武對尉景及常山君杖文襄常山君泣救之景曰

小兒慣去放使作心腹何須乾啼溼哭不聽打耶

蕭何為主吏主進陳遂與宣帝博數負進帝後詔云可

以償博進矣

曹丘生數招權顧金錢事貴人趙談等與竇長君善劉  
攸曰招權謂招權歸已也顧金錢謂志在金錢也

余朱榮見沙彌重騎一馬謂兩人共一馬也

揚子謬言敗俗謬好敗則謬音迂妄言也

梁冀能意錢之戲註云卽攤錢也杜詩長年三老長歌  
裡白晝攤錢高浪中攤錢蓋博云

白打蹴鞠戲也兩人對踢為白打三人角踢為官場王

建宮詞寒食內人常白打庫中先散與金錢

猛虎之猶與不如蠶蠶之致蠶註蠶毒也呼各反

石勒語李陽曰孤往日厭卿老拳卿亦飽孤毒手杜子

美義鵲詩巨頭拆老拳

思立賦斲白水以為漿斲音俱挹也

帝與隗囂書曰自今以後手書相聞勿用人解構之言  
註猶間構也

孟浩然詩偃曝蘭柀日周旋偃曝謂偃臥曝背也

柳子厚萬年令裴府君墓碣云飲酒甚少而工於糾一作

謫謠舞擊号織屑促密皆曲中節度註号亦歌也詩或  
歌或号

人事部四 身體類

宣髮白髮也考工記註云頭髮顛落曰宣亦可言蒜髮  
本草蔓菁子壓油塗頭能變蒜髮

麟鼻酒刺也宋前廢帝常罵武帝為麟奴

慍抵腋氣也

譏人無鬚曰潞涿君

見蜀志

怵攸耳不聰也尚書大傳禦聽於怵攸

山偉臨元順喪悲慟無已既還莊帝怪其聲散

武太后齒落更生李嶠賀表曰臣聞易有四營金牙為

壽考之象詩有六義玉齒載神仙之謠還年而輔車不

虧却老而瓠犀仍出

一作唐類表載李近仁

韓詩有美一人碩大且齶註重頤也

齶楚去聲曾茶山餉柑詩莫向君家樊素口瓠犀微齶

遠山顰

考工記弓人註曰臚亦黏也音職今婦人髮有時為膏  
澤所黏必沐乃解者謂之臚正用此字

人事部五

凶器類

公羊傳註云天子有疾稱不豫諸侯稱負茲大夫稱犬  
馬士稱負薪筆乘云茲生草也古人以茲為年言年老  
有疾也又云史記註茲蓐席蓋言有疾而負蓐如所云  
伏枕是也

未幸梓宮帝崩未殮也

吳王傳身有內病猶言暗病也

淮南王傳太子自刑不殊註殊絕也

病須保攝曰禁內

出外感傳

病而能食曰安穀

出淳子意傳

冤死者曰枉魄憤揚

出翻黃傳

無急去藥以待不祥

出萃佗傳

註去藥謂藏藥也

公羊傳不及時而葬曰渴葬又左傳葬鮮者自西門註不以壽終曰鮮音仙

文選蜃衛鷺輅皆天子柩車也又望蜃縛而攀標拜龍敢而慟絕

左傳陽虎載蔥車註喪車也

謝方明值孫恩之亂合門遇禍資產無遺而營舉凶功盡力

王肅歸魏文詔曰肅丁荼糜世志等伍胥窮踰再期蔬縵不改有司依禮喻之為裁練禫之服

公羊傳子路亡子曰天視予註視斷也世說羊孚卒桓  
玄與羊欣書曰賢從情所深寄暴疾而隕視予之嘆如  
何可言

茂陵富人以數千萬陰積貯炭葦諸下里物昭帝大行  
時方上事暴起田延年奏沒入之方上壙中也

魏文帝為壽陵作終制曰禮國君即位為柩存下忘亡  
也註天子諸侯之棺各有重數棺之親身者為柩

安陵曰萬歲夜願以身試黃泉孳螻蟻人臣不敢斥言  
故曰夜或作後非

通鑑憲宗厭代之夕厭代猶云上昇也本用莊子厭世  
語以文皇諱故云代二字亦新

張湯調茂陵尉治方中。註天子卽位豫作陵古者謂掘地為阬曰方。

斥上壙墓也。

皆出漢書

後漢書賜以東園秘器銀鏤黃腸玉匣。註棺以銀鏤之以柏木黃心為槨曰黃腸。

漢書以渭城壽陵亭部原上為初陵。註元帝所置陵也。未有名故曰初。

秦王陵中以犀象為樹以鯢膏為燈。

凡病少愈而加劇謂之不斟。呂居仁詩記我今年病不斟。

成帝紀民為水所流死不能自葬者令郡國給椁。櫨。葬。



埋註小棺也

朱建母死辟陽侯奉百金襚註贈終者之衣被曰襚戰國載引王季葬渦山之尾樂水齧其墓見棺前和今人呼棺前後為和本此

永嘉末盜發齊桓公墓得金蠶數千簿陰鏗詩金蠶詎可織秦始皇墓中水銀為鳧雁杜詩銀海雁飛沈

道路皆舉音以過喪

舉音舉須過乃止

柳子厚請聽政表爰及宅憂迨茲累日而孝思罔極尚輟乃瘞之言庶政未釐頗缺如絲之命

書高宗諒闇三年不言言乃雖

人事部六

衣服類

唐史王凝及第祔衣見崔彥昭祔衣便服也

唐詩粉光淡紫臙肉色退紅嬌又龍腦香調水多人染  
退紅疑卽今之粉紅也

古樂府云愛惜加窮袴防閑托守宮上官后傳宮人使  
令皆爲窮袴多其帶註曰窮袴有前後襠不得交通也  
輕容方空皆薄紗也元微之有寄樂天輕容詩王建宮  
詞嫌羅不着凌輕容王荆公詩春衫猶未着方空

馬太后賜諸貴人白越三千端註越布也

桑縷淺黃色也

出西晉時  
童語

周官註有麴塵字唐人多用之或

指衣或指柳亦淺黃色也

董偃見武帝綠幘傳鞞

辛紹先丁父憂三年不櫛沐髮遂落盡常著垂裙皂帽

更始諸將服婦人衣諸于繡。繡註諸于大掖衣也。繡續漢書作襜音其物反于諸于上加繡襪如今之半臂也。

諸于升菴

作護子

沈約文積絲成彩散繭騰花言女工之妙也。

禮景衣女嫁時在途衣也。

禮樂志曳阿錫註阿細繒錫細布也。

石奮傳取親中裙廁。廁註中裙若今之中衣廁。廁若今之汗衫也。

朱博傳功曹官屬多褻衣大褱。褱註褱音紹大袴也。

人事部七 飲食類

國語稻蟹不遺種。三國志袁術在江淮取給蒲羸。劉

傳饑饉掘鳧菹而食之。劉守光攻滄州人食堊塊。

熊極肥為消。熊鹿以倍料精養為棧鹿。

小截山蕓為玉杵羹。黃雀脂膏為金綿。鮓。吳淑詩曉羹  
沉玉杵寒酥。疊金綿。

東昏侯喪潘妃之女。閹豎共營餼羞云。天解菜。天解菜  
者猶今云開葷也。

享有體薦。宴有拆俎。凡享半解其體而薦之。宴則體解  
節折升之於俎。

南史大官進饗。蒸今之角黍也。宇文讓置毒糖餽。今之  
元宵子也。

藏魚鮓也。幽菽豉也。見說文

桓立待客有寒具齊民要術曰寒具今之環餅也劉禹錫寒具詩纖手搓來玉數尋碧油煎出嫩黃淡夜來春睡濃於酒壓扁佳人纏臂金則似今之饊子矣

夏日供帳飲食處曰冰廚見越絕書四月十五以後謂之櫻笋廚見歲時記

何曾有安平公食單韋巨源有燒尾宴食單段文昌有食經五十卷鄒平公食憲章庖榜曰煉珍堂在途曰行珍館虞棕有食方謝諷有食經各十卷孟蜀食典一百卷文昌有老婢名騰祖四十年閨百婢僅九婢可嗣法沈亞之謂之鼎娥王績謂之竈妾曹公兵法謂主炊者為炊子宋仁宗云吾屢顧不見饈子蓋指庖人也

北史穆崇微服入賊營為春妾所識

謝人饋食曰豐餽曰芬飪

食之儉曰三七五卯食之奢曰四簋八瑚

風胎雨穀水鵠雲鶴皆言食品

上出揚雄蜀都賦  
下出徐幹齊都賦

澁臯香粳都廣膏稷皆言米

上出文選下  
出山海經

張孝忠遇災與其下同粗淡日膳裁豆豉而已豆腐亦

名菽乳

楚詞招魂篇曰糗菽蜜餌有餼餽些註云餼餽餽也

鄭康成註周禮有荊州之羞魚揚州之蟹胥釋曰蟹醬

也山谷詩蟹胥與竹萌乃不羨羊豛

成帝紀其後幸酒燕樂註好酒也

陶詩且盡杯中物唐詩翠物喜盈斟翠物字奇

董賢侍帝宴上有酒所視賢笑曰吾欲法堯禪舜何如

同宴會曰共駢筵

出文選

預筵曰齒筵

醉酪獮飏皆指酥也

懶婦魚油謂之饑燈蜜謂之螫乳

藝文類聚東楮餅賦有牢丸之目蓋食具名也酉陽雜俎有籠上牢丸湯中牢丸即今之湯餅也東坡詩用為

牢丸具誤

飲之美曰泉液露英食之美曰山膚水麩

上出白虎通下出隋志

天嚮蚶子也

王晉卿一帖云瀑釀四器納上以瀑釀酒亦奇

郭解姊子負解之勢與人飲使之醕非其任彊灌之註

盡爵曰醕

糟曰酒骨

出玉蜀食典

亦曰酒滓

出左傳

觴玖酒令也酒糾監令也亦名甌宰亦名觥錄事唐人

呼妓為錄事以此

出元稹集

大戶席間健飲客也

出白樂天集

王悅每醉連日不醒自號上頓時人以大飲為上頓

衛元規酒後忤丁僕射以書謝曰自茲因酒星於天獄

焚醉日於秦坑

煎茶初滾曰蟹眼漸大曰魚眼故俗以未滾曰盲湯

散似甘露凝如割肪冰鮮玉潤髓滑蘭香

郭珍蜜賦



古者一國嫁女同姓二國媵之儀禮有媵爵謂先飲一爵二爵從之也

陸羽茶經言茶有九難陰采夜焙非造也嚼味嗅香非別也膏薪庖炭非火也飛湍壅潦非水也外熟內生非炙也碧粉縹麤非末也操艱攪遽非煑也夏興冬廢非飲也臙鼎腥甌非器也

張又新煎茶水記粉槍末旗蘇蘭薪桂陸羽茶經育華救沸皆奇俊語

丹鉛錄醕首酒也醕尾酒也

國語王公立飫則有房。烝註禮之立成者為飫房。大俎也。謂半解其體升之房也。

禮記毋嘏羹大獸也

國語觥飯不若壺餐觥大也謂盛饌也言不若壺食之救饑

梁元帝徐妃嗜酒多洪醉

埤雅述蕩之擊雉鷩之翠味之美者也雉鷩鳥名述蕩獸名

魏都賦悒悒醞醞酣滑無譁註悒悒和悅貌能者飲不能者止曰醞醞滑樂也

劉孝綽謝肉啓味過淪鳳珍越屠龍

周禮掌國之水禁幾酒謹酒註幾酒察其沈涵謹酒戒民節飲也

吳筠餅說細似華山之玉屑白如梁甫之銀泥  
洛岳畧陳無咎宴客一客用一侍兒典斟必十二斟而  
後引滿

春秋緯酒者乳也王者法酒旗以布政施天乳以哺人  
儀禮寡君有不腆之酒請吾子與寡君須臾焉古者樂  
不喻辰燕不移漏故聘禮速賓皆稱須臾

宋景文詩蟹美持螯日魚香抑鮓天用楊淵五湖賦連  
鮓抑鮓

鷓鴣猩唇豹胎象節

豪家宴客不設几案令妓手執以進謂之軟盤  
健啖者謂之肉磨

國制部 禮儀

谷永曰以次貫行固執無違漢書孝明皇帝大孝無違  
奉承貫行謂一皆遵奉也

漢循吏贊國之誕章註誕大也謂憲典之大者

漢宣詔曰令甲江充傳著令乙章帝詔云令丙

唐制日未明七刻槌一鼓為一嚴未明五刻槌二鼓為  
再嚴未明二刻槌三鼓為三嚴

平帝詔天下女徒已論歸家顧山錢月三百註女徒論  
罪已定並放歸家當於山伐木聽使入錢顧工直故謂  
之顧山錢

唐人奏事非表非狀謂之榜子亦曰錄子宋謂之劄子

飲章。匿名文書也。見蔡邕傳。刊章。刊落姓名而下其章也。見黨人傳。

高歡立法盜私家十備五盜官物十備三後周詔侵盜倉廩雖經赦免徵備如法備音裴償補也今作賠義同而俗從備為古。

後漢書列傳廢置事重誠聖恩所宜宿雷註停留也開以丹青之信言聖人之言明若丹青。

唐書規影徭賦即今律文影射語。

劉熙釋名曰過所至關津以示之張晏註漢紀關傳云傳信也若今過所者即行路文引也終軍棄繻則裂帛以為合符也。

晉帝批奏書諾字之尾如鳳尾故謂鳳尾諾皮日休蘇東坡詩皆用之諾者猶言制可也或作詔非

高后紀列侯幸得賜餐錢奉邑註餐錢賜廚膳錢也後漢書詔徵劉平特賜辦裝錢

竇融與大軍會先遣從事問會見儀適註儀注也

羅希真自青州如嶺南所過殺遷謫者排馬牒至宜春李適之自殺排馬牌牒如今起馬牌是也

之... 今... 也

... 也

... 也

... 也

... 也

... 也

... 也

職官部 總載

翟義傳旅力同心註旅陳也

史丹傳曠貴最久註言居非其位是為曠官故云曠貴  
申屠嘉死陶青等為丞相躡躡廉謹備負而已

韋賢傳豈不牽位註言豈不戀此爵位

崔烈入錢五百萬得為司徒及拜日天子臨軒百僚畢  
會帝顧謂親幸曰悔不小靳可至千萬

哀帝紀詔博士弟子父母死予寧三年

又帝雅性不好聲色時覽卞射武戲註手搏為卞角力  
為武戲也甘延壽試卞為期門

江充發兵入丞相府是時上避暑甘泉宮丞相長史乘



疾置以聞

終軍傳軍無橫草之功得列宿衛註行草中使草偃臥也

賓退錄曰三司副使曰筵通判曰倅禮有副車倅車左傳孟僖子使泉丘人女助遠氏之筵筵倅皆副貳之稱樓宣獻序向侍郎集云擢之戶筵張步令王閔關掌郡事註關通也

唐人以禮部員外為中儀主事為小儀

宋世以紫薇舍人為小鳳翰林學士為大鳳丞相為老鳳

唐制兩省供奉官東西對立謂之蛾眉班

漢人入仕有以貲為郎者司馬相如張釋之也有入錢入穀賞以官者卜式黃霸是也入錢穀則今買官之類以貲則非也

漢書遣無害都吏案訊諸囚註無所枉害也蕭何以文無害為沛主吏掾文選文而無害

孔融為治但能張磔網羅而目理甚疎

許營上疏曰今臺府局吏直衛武官及僕隸婢兒取母之姓者本無鄉邑品第皆得為郡守縣令註官婢私合生子不知其父取母之姓為姓

宋武帝凡選授誅賞大處分皆與戴法興巢尚之參懷註謂叅決機務也

北魏李神儁請治選部。余朱榮嘗關補曲陽縣令。神儁以階懸不奏。註關補者先補授而後關吏部。階懸言階級相懸絕。

平帝紀置少府海丞果丞各一人。註海丞主海稅果丞掌諸果實也。

百官表射聲校尉掌待詔射聲士。註工射者也。冥冥中聞聲則中之。因以名也。

掌漏官曰壺郎。

書云尸位。詩曰素餐。商君謂之荒飽。吳起謂之枝官。

衛綰以戲車為郎。鹽鐵論戲車鼎躍。咸出輔史累功。積日或至卿相。鼎躍東方朔所謂鼎官。鄒陽所謂鼎士也。

尚書為喉舌亦有稱喉唇者文選獻替帳展實掌喉唇  
漢元帝時置戊巳校尉使屯田車師故地註戊巳校尉  
者鎮安西域無常治處亦猶甲乙等各有方位而戊與  
巳四季寄王故以名官也

况今朽老而居帝難之任崔亮辭吏部語

天子封去病裨將鷹擊司馬趙破奴為從票侯官與封  
皆奇

唐幕府官俸謂之鶴料皮日休詩酒坊吏到常先見鶴  
料符來每探支宋曾彥和詩寧羨一囊供鶴料會看千  
里躍龍媒

劉曼生上書曰章交公車人滿北軍朝臣舛午膠戾乖

刺更相讒愬轉相是非所以營惑耳目感移心意不可  
勝載註漢儀注上章於公車有不如法者付北軍尉以  
法治之

陳琳為袁紹檄曹操曰操又置發丘中郎將摸金校尉  
所至墮突無骸不露東坡詩餘有中郎解摸金

選曹授官先列舊官次書擬官使新舊相銜不斷故曰

官銜

出孔平仲談苑

闕闕顏師古曰闕積功也闕經歷也

彭城王義康於尚書中覓了了令史得戴法興等

古呼治獄叅軍為長流帝王世紀云少昊崩其神降於  
長流之山於祀主秋秋官司寇主刑罰故取秋帝所居

為嘉名也

柳文轉喉觸諱本漢食貨志搖手觸禁之語

讒夫具昌忠臣齧口

劉陶疏曰群小競進秉國之位鷹揚天下烏鈔求飽

齊鷄開府衛鶴乘軒言濫爵也

杜喬疏曰梁氏一門宦者微孽並帶無功之紱裂勞臣之土

王播拜諸道鹽鐵使許少連賀啓云擷金煉玉束雪量珠

六朝稱府幕曰府端州幕曰州端節度幕曰節端憲司幕曰憲端南史陸徽九綜州綱三端府職

袁聿修為吏部尚書素品孤官頗有怨響

許汜王楷謂袁術曰明上今不救布為自敗耳布破明上亦破也時術稱帝故稱之為明上二字甚奇

唐稱太守曰節下又云鈴下又曰第下又門卒亦稱鈴下吳志吳範使鈴下以聞鈴下不敢

唐人稱縣曰明府漢人謂之明廷

見張儉傳

臺中僉聚則侍御史於座南設橫榻號南床又曰癡床言登此床者倨敖如癡也

靈帝時賣官當之官者皆先至西園諧價

薛大鼎鄭德本賈敦頤皆有治名河北號鑑脚刺史

王口義微時求芻舍瓜不與既貴騰言園有白兔捕逐

畦菰無遺李昭德曰昔聞蒼鷹獄吏今見白兔御史  
韋表微曰吾年五十拭鏡擲白冒遊少年間取一班一  
級不見其味也

唐竇申叅族也叅親夢之每除吏多訪申申輒以報士  
大夫市恩私所至人目之為喜鵲

楊震傳宜絕橫拜以塞覬覦之端

張奐曰吾前後仕進十要銀艾註銀印綠綬也以艾草  
染之

陳顥遺王藻書曰中華所以傾弊者正以取才失所先  
白望而後事實註白望虛名也

許惇為司徒主簿以明斷見知人號入鐵主簿



馬融因兄子喪自劾歸太后謂融羞薄詔除遂令禁錮之

郭宏霸請討徐敬業言臣誓抽其筋食其肉飲其血絕其髓時號四其御史

張宗等傳論曰若夫數將者並宣力勤慮以勞定功而景風之賞未甄膚受之言互及以此而推政道難乎以免註景風至則行賞甄明也

民用溫給

出後漢張禹傳

今人以鷹犬為詈語後漢張表碑曰仕郡為督郵鷹撮盧擊直以為頌語

五代吳越僊元瓘之子鎮永嘉民以悅慕後移鎮姑蘇

溫人有攜家屬以從者謂之隨使戶

郡國守銅虎符銀錯書

兒寬為左內史收租稅時裁濶狹與民相假貸註濶謂  
征斂稍寬禁防疏濶之時狹謂督促急迫之時濶時不  
急征收假貸與民使營生業

墨旨州縣教條也

楊於陵為浙東觀察使歲饑出米三十萬石拊贖貧民  
義縱以鷹擊毛摯為治

狗吠不驚足下生氈魏郡人歌太守岑熙語氈長毫也  
梁彥先為相州刺史百姓呼為戴帽錫言其柔軟也

戴通

錄作



刑法部

約義

光武得吏牘上書詰吏由趣註由從也趣向也問是書從來與意所向也

范曄謀作亂密相署置素所不善者並入死日范曄事露帝詰問曄曄猶隱拒熙先聞之笑曰凡處分符檄書疏皆范所造云何於今作如此抵躡耶沈佺期觀赦詩聖人宥天下幽籥動圓狴

周禮公族有大辟則磔於甸人註縊殺之曰磔甸人掌野官言不於朝市也

周禮地官閭胥掌鱣撻之事註鱣撻者失禮之罰以鱣爵罰之也

刑法志漢書俗已薄而行堯舜之刑是猶以鞶而御駢突也

左昭羊尹無宇曰昔先君文王作僕區之法曰盜取隱器與盜同罪僕區刑書名僕隱也區匿也作為隱匿亡人之法

戴胄諫太宗曰陛下登殺之非臣所及既屬臣敢虧法乎登殺猶言登時殺也

漢書烏呼史遷薰胥以刑薰胥猶言淪胥言遷因坐李陵橫得罪也

肅宗紀紹曰自往者大獄也已來掠考多酷鉗鑽之屬慘苦無極鉗其廉反

南史梁代測囚之法日一上起自晡鼓盡於二更周宏  
正議測人時節本非古制起自晡鼓迄於二更豈是常  
人所能堪忍

凡叛臣既誅乃污其宮而瀦焉名曰凶墟

周禮地官凡男女之陰訟聽之於勝國之社註陰訟爭  
中冓之事以觸法者

王溫舒少時推埋為姦註推殺人而埋之也

盜等言盜之侶也等者五音之長

寇榮疏曰尚書不復質確其過寘於嚴棘之下註質正  
也確實也嚴棘獄也又曰罰及死沒髡剔墳墓又曰滯  
怒不為春夏息淹恚不為順時急

薛安都欲殺庾淑柳元景謂曰卿往與手甚快張彪令韓武殺趙積亦曰可與手與手猶言與毒手也六朝人有此論齊神武欲杖崔暹亦曰須與苦手

谷永傳多繫無辜掠立迫恐註掠笞服之立其罪名朱雲傳丞相部吏考立其殺人罪註立成也

趙皇后自繆註自縊也

北齊文宣好殺每行有司預以死囚從當時謂之供御囚

貫高乃轆車膠致與王詣長安註膠致者膠啗不得開致送京師也

危章互簡皆法官

酷吏傳論曰至於重文橫入為窮怒之所遷及者亦何  
可勝言

左傳置諸淡室賈誼傳造請室而請罪皆獄也  
瘦死饑寒而死也

如其無功分受憲坐

范百祿曰牽牛以踐田而奪之牛此王安石鶴鷄獄也  
謂相牽引以入

捕盜未足曰捕弗滿品出咸  
宣傳

賊魁曰偷長出張  
敬傳

盜藏避曰穿窳草石

慘文峭詆楊國  
忠傳



歐公詩由來獄吏少和氣。臯陶之狀如削爪。困學紀聞以爲司馬公詩

周亞夫下吏吏簿責。亞夫誣書之於簿。一一問之。

楊惲下廷尉。廷尉考問左。驗明白。註左證左也。言當時在其左右見此事者也。

銀鑄大鎖也。作銀鑄者謬。出後漢書

嚴延年按大姓高氏獄。吏皆股弁。註股戰若弁。弁謂撫手也。

高祖七年。令郎中有罪耐。已上請之。註輕罪不至於髡。完其形鬢。故曰耐。古從多髮膚之意也。

北史河陰縣有大枷號曰彌尾青。宋翻爲令。有內監詣縣請事。辭色不遜。命取尾青鎖之。威震京師。

敬羽作巨枷號劓尾榆

出唐書

前漢有若盧獄漢舊儀曰主鞫將相大臣

漢書詔曰今大辟之刑千有餘條律令煩多百有餘萬言奇請它比日以益滋註奇請謂常文之外主者別有所請以定罪也它比謂引他類以比附之

陳寵為廷尉鈎校律令條法溢於甫刑者除之註呂侯後為甫侯故或稱甫刑也

耐掠隱抵罪人耐答掠不肯伏也

見魏志胡質傳

高帝使泄公持節問貫高獲輿前註編竹為輿高時撈答困頽故以獲輿處之也又公羊傳箠將而來薛宣傳披抉其閨門而殺之註披發也抉挑也

能察吏奸曰捷捉姦冒

唐王彦威傳

淮南王傳舍匿者論皆有法註謂容止而藏隱也

王伽謂囚李叅等曰卿輩自犯國刑身嬰縲紲固其職也重勞援卒豈不愧心哉註援送之卒也

趙忠等言呂強見召未知所問而就外草自屏有奸明之註謂在外野草中自殺也

索元禮鞠囚作鐵籠聲囚首加以楔至腦裂死來俊臣作羅織經一篇具為支脉綱由按以從事

耿恭傳贊曰蘇君恩不及嗣恭亦終填牢戶追誦龍蛇之章以為嘆蘇君謂武恭以罪下獄故云

錢幣部 總載

貨殖傳丹王君房豉樊少翁王孫大卿為天下高訾註  
王君房賣丹樊少翁王孫大卿賣豉亦致高訾

楊崇禮在太府每歲句駁省便出錢數百萬緡註句者  
句考其出入駁者按文籍有並緣欺弊則駁異之省者  
節其冗濫傻者買遷各隨其便以取贏

豆盧嘗以手書便省庫錢數十萬註俗謂借錢為便錢  
三國志吳王守陽羨長有所私用策或料覆功曹周谷  
輒為傳著簿書使無譴問王時悅之後統事不用也料  
覆重校也策孫策

紫紕錢名金監寶冶鑄錢之所

鹽鐵論山海者財用之寶路

樊顯曰前公孫述破時珍寶山積搏握之物足富十世  
而堪去職之日乘折轅車布被囊而已

出張堪傳

漢書西域傳罽賓國以金銀為錢文為騎馬暮為人面  
註暮音湯錢背也

詩條革有鷄註金飾貌今之金工有名然金者本此  
陶隱居謂金經在丘塚及為漫器者謂之辱金不可合  
鍊

蜀都賦賈買帶鬻貯曰帶販曰鬻食貨止商賈帶財役  
貧

靈帝紀豪右辜權註辜障也推專也謂禁阻餘人買賣

而自取利也

文選鄉邑殷賑音隱軫富饒也

蜀都賦藏鏹巨萬鈔。搗兼呈謝靈運山居賦銅陵之奧。卓氏充鈔。椶之端。註裁木為器曰鈔。裂帛為衣曰椶。束督書稽我王委充我民食委積也。

樊儵傳河南縣亡失官錢典負者坐死

周禮天官家削之賦削家田也

楊震謂財貨上流為朝結譏。註猶言結怨也。

南人呼象牙為白暗。犀為黑暗。以其難識別也。杜詩黑

暗通蠻寶

割匿

出水經註  
乾沒也

...

...

...

...

...

...

...

...

藝文部 總載

劉得仁上從兄詩猶祈啓金口一爲動文權又海錄詩

權

出詩

陸機閱史尚靡識於據犁枚臯屬文猶自成於翫

岑文本命吏訛筆口占

杜牧謂李賀歌詩如鯨吐鰲擲牛鬼蛇神

景龍文館記薛稷知集庫馬懷素知經庫沈佺期知史庫武平一知子庫

思立賦御六藝之珍駕兮游道德之平林結典籍而爲畧兮驅儒墨而爲禽

後魏闢駟經史百家寓目成誦時人謂之宿讀



余知古書勤逾抱犬博擬食鷄

漢儒釋經易有略書有故詩有細春秋有微

司馬溫公有書萬餘卷自言天氣清明卽設几案側群  
書其上以暴其腦所以歲久不壞至啓卷看竟一版卽  
側右手大指面襯其沿而覆以次指面撚而挾過故得  
不至揉熟其紙

趙松雪書跋曰勿捲腦勿折角

漢書陳遵善書與人尺牘皆臧去以爲榮去音舉臧也

承書夾曰書櫬

山杜  
薦賦

勤學自忍曰寒膚凍腹

極思爲文曰涸思乾慮

柳子厚答人寄筆詩貯雲含霧到南溟謂筆未經用也  
章衡曆運序曰古今歷運十餘家皆淺陋擅釀陳振孫  
太常因革錄跋云繁簡失中以擅釀目之

文選縱詞源於月徑披翰藪於雲扃

司空圖與王駕書吾適自編一鳴集且撐霆裂月劫作  
者之肝脾亦當吾言之無忤也

相如含筆而腐毫揚雄輟翰而驚夢桓譚疾感於苦思  
王充氣竭於思慮張衡研京以十年左思練都以一紀  
劉臻精於兩漢書時人稱為漢聖唐衛大經邃於易人  
謂之易聖

李揆為禮部侍郎病取士徒露搜索禁所挾而近學陋

生。能。枕。圖。史。且。不。能。自。措。於。詞。乃。大。陳。書。廷。中。進。諸。儒。  
曰。可。盡。所。欲。言。

謝安優游山水以敷文析理自娛

倪若水藏書甚多借者先投束脩羊

柳家新樣元和脚今人稱所寫字為筆脚蓋本此

莊子曰人而不學謂之視肉學而不行命之撮囊

宋初進士所習有何論一首何論者如三傑佐漢孰優

四科取士何先之類

咫尺之書未通籀室

東萊啓

張升少好學多關覽而任情不羈註關涉也

篆書如一二三字謂之積畫如星字圈中加點謂之注

中。

水涌蹄涔火炫螢尾言無本之學

陸景典語云綺縠紛披宮徵靡曼唇吻適會情靈搖蕩  
皆言爲文也

梁簡文與湘東王書曰徒以煙墨不言受其驅染紙札  
無情任其搖爨甚矣哉文章橫流一至於此

玄宗時文籍盈漫皆始朽蟬斷籤牒紛舛馬懷素請召  
宿儒就校

句讀法華經作句逗馬融長笛賦都法於節奏察度於  
句投徒謂反

晁以道詩干戈難作墻東客疾病猶存硯此身段成式

書云杯宴之餘常居硯北又云常流硯北天機素少蓋言几案面南人坐硯之北也

吳祐諫其父欲殺青以寫書曰此書若成則載之兼兩李守素通氏姓學世號肉譜

人知糞其田莫知糞其心糞田不過苗利得粟糞心易行而得其欲何謂糞心博學多聞何謂易行一欲止淫

御覽載

孟子答

劉向別錄云讐校書一人持本一人讀新若怨家故曰讐書

道書曰蓋簡佛經曰貝文

魯直詩曰李侯畫隱百寮底畫隱二字新

虞世南行秘書楊虞卿行中書

古人寫書用黃紙故以雌黃滅悞以其色類也顏延之曰讀天下書未遍不得妄下雌黃今人用雌黃字多未當

歐陽文忠詩補亡後序末云增損圖乙圖者塗抹也乙者勾止也乙字義見東方朔傳李陽冰善小篆時人謂之筆虎

尚書則覽文如詭而尋理即暢春秋則觀詞立曉而訪

義方隱

文心  
雕龍

論說詞序則易統其首詔策章奏則書發其源賦頌歌讚則詩立其本銘誄箴祝則禮總其端紀傳移檄則春

秋為根並窮高以樹表極遠以啓疆所以百家騰躍終  
入環內者也若稟經以製式酌雅以富言是仰山而鑄  
銅煮海而為鹽也

觀其骨鯁所樹肌膚所附雖取鎔經意亦自鑄偉辭故  
騷經九章朗麗以哀志九歌九辨綺靡以傷情遠遊天  
問瓌詭而惠巧招魂招隱耀艷而淡華卜居標放言之  
志漁父寄獨徃之才

已上  
辨駁

仙趣部

總載

武帝親禪高里祠后土臨渤海將以望祀蓬萊之屬冀至殊庭焉註仙人之廷也

徐登趙炳以道術行但行禁架所療皆除註禁術也○趙炳故升茅屋梧鼎而焚主人驚懼而屋無損註梧支也懼忙也

漢武帝外傳太上之藥有風實雲子金精玉液蘇詩散流一啜雲子白

腦神曰覺元髮神曰玄華目神曰虛監鼻神曰冲龍玉舌神曰始深

道家目華池水曰癸穴庚渴



許長史子名玉斧女名素同真誥稱瓊刃言玉斧也  
曹孟德樂府神仙金止玉亭道書云瑤思瓊想

嚴君平註老子有云言為禍匠默為害工進為妖式退  
為廢容

桂葉龜腦固風寒之易銷荔葩鸞骨更飛騰之可儻荔  
葩寇先事見搜神記龜腦見列仙傳

抱朴子云淳于解臚而理腦養生經云牧雲刮眼沃雪  
回髭

清異錄藥有五天決明為肝天紫苑為肺天神麴為脾  
天遠志為心天茯苓為腎天

金碧經曰神室者丹之樞紐也非世間五金其丹如成

狀若明窓塵。李太白詩。彷彿明窗塵。死灰同至寂。



佛乘部 總載

佛寺曰仙陀。又曰仁祠。又曰寶坊。又曰香阜。又曰奈園。袈裟名水田衣。又名稱畦帔。王維詩乞飯從香積。裁衣學水田。王少伯詩手中花氎淨香帔。稻畦成。

四種僧一有羞僧。謂持戒而未得道者。二無羞僧。謂破戒者。三啞羊僧。謂雖不破戒。鈍根無慧。若有僧事共諍。默然無言者。四實僧。謂住四果中行。四向道者。出大智度論

佛法以樹藝自活為下口食。以觀視天象自活為上口食。以曲媚豪勢通使四方巧言多求為方口食。學種種咒術卜算吉凶自活為維口食。出大智論

塵網千重密密常籠意。地夢繩萬結條條盡係情。田

隨他舌似鸚鵡之徒借彼眼如水母之屬

以上弘明集

應真羅漢也天台山賦應真飛鉤以躡虛

鉤一作錫東坡贈杜介詩曰應真飛

錫過絕澗

酉陽襍俎錦麝燈謂繡佛也

廣中僧謂有室家者謂之火宅僧見番禺雜記大相國

寺僧有妻則曰梵嫂

見清異錄

有僧臨化書頌云撞來好個寄生囊

儒墨者般若之笙簧詞賦者伽陀之鼓吹

大乘小乘逗根機而演教半字滿字逐權實而敷文

佛以

獨體之字為半字合體之字為滿字

山毫一其小大彭殤均其壽天筵楹亂其橫豎施厲混

其妍媸

衍莊  
子語

色見聲聞俱能證果。花飛釧動。盡可棲神。

宗鏡錄列四種人。一生盲。凡夫執生死。二眇目。一乘執  
涅槃。三夜視。小菩薩執權乘。四羅縠。別菩薩執教道。  
尼為除饑女。

于闐國民篤信多大乘學。威儀齊整。器鉢無聲。

千聞因刃爲計是大乘學氣對齊整器檢無華

臥爲新綺文

坐樂三交脈小善藹時對乘四華慈恨善藹時時並  
宗發難低四軒入一坐官以夫時主張二翅目一乘時  
身良譽間財消籃果茲乘惟煙盡何懸輒

其秋數

千帝  
時蘇

棲逸部

總載

申屠蟠傳管人之隱巢棲茹薇

嵩山隱居聯云曙影張屏掛清光於露壑飛流界練貫  
幽響於風湍

羅曾蛭於戶裏列鏡瀾於窗前因丹霞以頰相附碧雲  
以翠椽

口腹之累漸以石帆水松寒暑之資稍以荷衣蕙帶

素烟晚帶白霧辰縈近循則一巖異色遠望則百嶺俱  
青

唐右補闕陸誇題名在茅山自稱麋鹿臣嵩山有刻石  
幽林思韓覃撰自稱廬山林藪人



謝澹與范泰為雲霞之交

祝牧謂其妻曰天下有道我韋子珮天下無道我負子戴

東坡謂晨飲為澆書李黃門謂午睡為攤飯陸務觀詩澆書滿挹浮蛆羹攤飯橫眠夢蝶床

徐師川詩頗知鶴脰緣詩瘦早棄魚須伴我閒魚須笏也

茨簷賤士

見晉書

葦菴漁父

見廣異記

生柴然火曰榻柳山谷詩炙背宵眠榻拙火嚼冰晨飯薩波薺

王無功曰歌去來之作不覺情親詠招隱之詩惟憂句

畫

觀一作疎

羅含宅內自有幽蘭數叢孫綽庭前惟對長松一樹高  
窗納景密樹栖煙筵有丘中之琴案多濠上之帙

張祐詩斫樹遺桑斧澆花溼笋鞋

田何年老家貧茅居蒿牀守道不仕

廬山記饒子卿隱居康王谷無瓦屋代以茅茨每年易  
一茅謂之屋龍更衣

子... 入... 王... 子... 論... 其... 外... 以... 養... 母... 手... 足...

... 其... 中... 也...

... 自... 古... 之... 所... 有... 也... 夫... 孝... 之... 道... 亦... 猶... 此... 也... 故... 曰... 夫... 孝... 之... 道... 亦... 猶... 此... 也...

技術部 總裁

許負相亞夫者河內溫人老嫗也高祖封為鳴雌侯  
安息國以善眩人獻於漢註眩與幻同卽今吞刀吐火  
植瓜種樹屠人截馬之術皆是

梁武勸醫文云夏六一於金液改三七於銀九

巫覡號曰瑤貺

見本草  
覡音陳

金柯要訣

相書  
各

方四聚五花六持七

見圍  
棋賦

宋明帝好圍碁甚拙與第一品王抗圍碁依品賭戲抗  
饒借帝曰皇帝飛碁臣抗不能斷帝終不覺

邯鄲淳藝經擣蒲落坑塹非貴采不出

神異經東黃公與玉女投壺千二百矯矯音尻矢躍出也

圍棋兩無勝敗曰芾芾絲免二音

紺蝶閨房媚藥也

宋明帝好圍棋置圍棋州邑以建安王休仁為圍棋州都大中正以王湛等小中正

王無功圍碁長篇云魚鱗張九拒鶴翅擁三邊

五木之戲其采十二其四為玉采貴也其八為珉采賤也

通用部一

駢語類

文選從整散而度高乎泰山懷汎濫而測深乎重淵

音

頰

郭璞客傲曰青陽之翠秀龍豹之委頰駿狼之長暉立  
陸之短景言著生於微盛生於衰也淮南子冬至日在  
駿狼山

殷文圭啓蟬聯兵難鹿獨江臯

粧臺記序北州才女類妍面而况桃花東國王孫舐嬌  
痕而求獺髓

左傳君子蘊義生風小人蘊利生孽  
致貴無漸失必暴受爵非道殃必疾

青牛帳裏未輟鑪香朱鳥窓前新調鉛粉柔之以辛夷

甲煎然之以桂火蘭蘇

李高謝臘日口脂面藥  
柔一作採高一作嬌

是薦是蓑旣失於協風或耔或耘載愆於零雨

桃花淼淼實類迷牛之津竹箭滔滔方比鑿龍之堰水

杏花千畝紺轅照磨唇之功桑柘三宮玄紱降親蠶之

禮

錢結田  
親蠶

左太冲十年三賦未必無瑕劉穆之一日百函焉能盡

禮

時師百年之學旬日兼之昔人卜載之機立談可見楊炯

稱王  
勃

溪橫燕尾巖豎龍頭鍛野老之眞珠掛幽人之明鏡山

腰半折溜王烈之香膏洞口橫開滴嚴遵之芳乳

王勃山亭宴序

海日銜規忽覺人間之曉宮花剪綵恍疑天上之春

元絳

以結繩之化行虞夏之朝用象刑之典理劉曹之末

言封

建不  
可行

秦之孤立子弟為匹夫魏氏虛名藩翰若囹圄

獲玉鈎於山陽空有採桑之號陳金根於鈎盾但為弄

田之游

賀勸  
農表

流甘露於瓠木扇惠風於陳枚言施恩於衰薄也

文選表龍章於裸壤奏韶護於龔俗植橘柚於玄朔蒂

華藕於修陵

尋靡薶於中達造沐猴於棘刺言說之妄而無稽也



蘧瑗不以昏行變節顏回不以夜浴改容

細理弱肌

山某豐容靚飾

山某

洪州娉婷市五代鍾傳侍兒所居畢少董謂可對溫柔

鄉

徐君房年隨情少酒因境多

隆墀永嘆遠壑必盈王弼易畧例中語

籠殮詎貴鈞餌難嘗

離宮霧合遙橫地乳之山別館星開上戴天眉之色省

中之樹訪猶不言車前之馬數而後對

張九齡傳

竺景秀嘗書於齊高云當吞刀刮腸飲死澆胃

倡臨帝席酒勸天妖

晉孝武帝贊

進大雅以樞近退小人於閑左

蕭至忠  
疏語

膏塗朔邊骨糞沙壤

李崇妻請邑  
成邊自贖疏

起偃為豎化屍為人

王朗  
語

王融為豫章王墓銘曰半岳摧峯中河墜月

蒼雉秦職靈龜自梁

邢子才  
橋事

蝘腰鯨背

同上

翔友遠離衍賓高會

離穢除陳宣芬散馥

香頌出  
素問

素澹玄瀾

同上

赤岸青湓

盧山  
事

甲乙之帳

漢  
書

庚辛之枋

馬融西亭雜興  
吐寫庚辛之枋

王元之表風摧霜敗芝蘭之性終香日遠天高葵藿之心未死劉元城表志存許國如萬折而必東忠以事君雖三已而無愠

耿直之守京口復陳少陽之後曰如可贖兮百身猶將宥之十世

呂成公代父倉部自黃州易守池州啓云爰考唐朝有杜牧把麾之舊其臨秋浦亦齊安解組之餘雖後先遷徙之偶同顧今昔風流之非匹

傅至樂上周益公啓云東門之柳自凋宣都之桃何在彼刀頭之舐蜜未得錙銖况井眉之居瓶恍如夢寐蓋

指張說也

夏文莊表云詩會餘蚶之文簡凝含醜之墨餘蚶貝之

有文者見毛詩箋筆銳干將墨含醇醜

出文心雕龍醜醜一作淳鳩

鳴蜩抱樹亟見藏冰歸雁銜蘆多歷寒食

松變為柎釋慧遠事葱化為蔭佛圖澄事後漢書有蝗

化為蝦猶吏事

碧鷄使者部下時來白鳳詞人座中恒滿蜀中事

白月半懸抄本序清泉一掬授芝圖

紫微夫人撰本序

骨弱可捲肉滑若飴

參同

郊居賦云陳局露初奠爵星晚

體輕蚊翼形微蚤鱗

出小言賦

運疹祚殫

出史記可對

數屯期盡

鋒蝟斧塘

出柳文

臺蜂樓蟻

予有疏附汝無後言

庭奏歌鍾坐延嬌盼

陽文與醜篋爭麗孟陬與隴廉競妍

廣弘明集

罥索秋千也

出漫錄

儻經今之軟索

出三國志

古諺曰力貴突智貴卒莊子曰謀稽乎滋滋音賢急也

王銛引泉激雷號自雨亭楊國忠有移春檻

命輕鴻毛義貴熊掌

江統傳贊

重葩累繡沓壁連璋出屏風賦言木之文理

張融曰鴻飛天首越人以為鳧楚人以為乙鴻常一耳

一作尸子云鴻飛天首高遠難明楚人以為鳧越人以為乙鴻常一爾一作張融曰云云

說文舜萋地連華晉謂之萋秦謂之蔓

潘岳哀詩云漼若葉落樹邈若雨絕天郭璞詩云君若  
秋日雲妾似突中煙高下理自殊一乖雨絕天汪彥章  
表云生平躔直不隨世俗於雷同歲晚棲遲乃望君門  
而雨絕

宋孝武帝賦想輕綦之往迹史記躡利屣

晉庾峻曰秦塞斯路利出一官雖有處士之名而無列  
爵於朝者商君謂之六蠋韓非謂之五蠹一作六蟲

北史斛律金不識文字初名敦苦其難署改名為金猶

以爲難神武令指屋角令識之陸渭南詩屋角明金字  
溪流作穀文用此事也

略略曲名白樂天有聽妓人彈略略詩可對堂堂

梁簡文帝觀燈賦曰南油俱滿西漆爭燃蕪微安息蠟  
出龍川斜暉交映倒影澄鮮註蘇香名也

北魏元雍奏云鹽池天藏也宋人四六私鹽私茶以天  
藏月園爲對蓋本此

慧日至夾山山問與甚麼人同行云有個木上坐蓋謂  
杖也坡詩畱我同行木上坐贈君無語竹夫人

左傳涉於魚齒之下註魚齒山名呂氏春秋云猛獸以  
尾爲旌以角爲城庾信哀江南賦地平魚齒城危獸角

應璩詩九州相錯雜相次如馬齒韓文公詩候館若魚鱗宋人四六云州疆馬齒候館魚鱗

帷簿不修

出漢書

際會罔治

出禮記

揚子法言孔子去魯不聽正諫而不用雉噫者註雉噫猶歌嘆之聲梁鴻五噫之類也按家語孔子去魯歌曰彼婦之口可以出走彼婦之謁可以死敗此即雉噫之歌也唐文聆鳳哀於接輿歌雉噫於桓子

駱賓王云類同心異者龍蹲蹄而采樹伐質殊聲合者魚形出而吳石鳴春秋演孔圖孔子坐如蹲龍立如牽牛

周禮國都中路曰緯途思立賦有織路



樂城詩曰去住由人真水母。簞瓢粗足似山雌。郭璞江賦曰水母目蝦。

龍修龍須草可為席。可對雉尾火炬也。

誠齋讀貞觀政要詩。拔士新豐逆旅中。懷賢鴨綠水波東。酒傾一斗鷺肩客。醋設三杯羊鼻公。羊鼻公謂鄭魏

公

見新城錄

自羯胡天亡。群凶殄滅而百姓塗炭。企遲拯接。

桓溫疏

苻堅百萬之衆已瞰吳江。桓溫九五之心將移。晉鼎衣

冠。易慮遠。邇崩心。從容而杜奸謀。晏衍而清群寇。

謝安論

野處雪詩。天上長留滕六。住人中會有葛三。來葛三。稚

川第三子

事見太平廣記

怨牒可對謫書

孟嘗君事。謫書甘茂事。

峨嵋縣有不到寺以險阻得名可對無定河

李嶠上高長史書云曾越嚴序趨下風希口吻之芳音  
候眉宇之陽氣而堂上百里醴明無撤器之因門下三  
千毛遂乏處囊之地

朱瑒與徐陵求王琳首書曰伏惟聖恩博厚明詔爰發  
赦王經之哭許田橫之葬不使壽春城下惟傳報葛之  
人滄洲島上獨有悲田之客

典術曰堯時天降精於庭為韭感百陰為萑蒲呂覽萑  
蒲亦名堯韭唐詩澗有堯時韭山餘禹日糧

蘇詩長風送客添帆腹積雨浮舟減石鱗帆以其受風

故曰腹水流石上如鱗故曰石鱗

南唐徐履掌建陽茶局弟復治海陵鹽政鹽檢烹煉之  
亭榜曰金鹵履聞之潔敞焙舍命曰玉茸

雁膳菰米也

子嘗

水魚衣水苔也

出廣志

東坡詩酒材已遣門生致菜把仍叨地主恩註周禮以  
式法授酒材杜詩清晨蒙菜把常荷地主恩

宋文帝受命頌南適舜梧北平堯柳

援朱均以貳極燭褒關而偶震

晉類書易傳論言其勅立惠帝賈后也

典憲資其刊輯帷幄佇其謀猷

顧崇等傳論

王荆公以武丘對文鷁殺青對生白苦吟對甘飲飛瓊  
對弄玉帶眼對琴心洪駒父以青奴對黃妳茗溪魚隱

以銀鹿對金瓠涇螢對乾鵲平園詩生戎馬對死佛狸  
皆絕工銀鹿出國史補金瓠出曹子建集濕螢出李長  
吉集乾鵲出西京雜記又有以錦字鏡約對琴心者  
陸龜蒙以二酉對六丁荆公以三甲對六丁

輕塵足岳墜露增流

出山谷集

木鐸起而千里應席珍流而萬世響寫天地之輝光曉

生民之耳目

出文心雕龍

歛退就新懦趨營悼前猛

詰屈避語寔冥茫觸心兵

韓退之詩

通用部二

虛字類

郭祖漢諫梁武曰農桑者今日濟育功德者將來勝因

豈可墮本勤末置邇効賒也

應高說膠西王曰語有之曰猛獠及米註猛卽訛字以舌食也蓋以犬喻言訛獠遂至食米也

劉穆之外所聞見必白武帝帝每得人間委密消息以示聰明

劉瑀言人仕官不出當入不入當出安能常居戶限上水經註豫章以木氏郡柳子厚愚溪詩序姓是溪曰愚溪呂太史釣臺記姓是州曰嚴

詩女子善懷鄭箋善猶多也漢書岸善崩註亦多也汗滅宗親以缺一切之功缺望也

梁元帝常言我韜于文士愧於武夫

樂天詩云江州去日聽箏夜白髮新生不願聞如今格是頭成雪彈到天明亦任君元微之詩云隔是身如夢頻來不為名憐君近南住時得到山行格與隔二字義同格是猶言已是也

至竟如云到底也杜牧詩至竟息亡緣底事至竟江山誰是主羅隱詩至竟朝昏誰主掌

未渠央未遽央也音義與遽同史記尉陀曰何渠不若漢書作何遽

北齊劉逖詩無由似玄豹縱意坐山中坐字甚奇張說樹坐叅猿嘯杜甫楓樹坐猿獮黃鶯並坐交愁溼又巫山秋夜螢火飛簾踈巧入坐人衣薛能花欄鳥坐低皆

出於遯

南史劉德願善御車嘗立兩柱使其中劣通車軸於百步上長驅從柱間過又胡藩以刀頭穿岸劣容脚指徑上劣者猶言纔也東坡詩多用此

左傳林楚怒馬及衢而騁莊子草木怒生又說大鵬怒而飛王介甫詩山木悲鳴水怒流

董卓謂皇甫嵩曰義真備未乎註備古服字

荆公金陵懷古詩逸樂安知與禍雙雙字叶得甚奇史龜策傳禍與福同刑與德雙

林甫久當國權焄天下

吉溫訊因震以烈威隨問輒承無敢選

詩云知而不已誰昔然矣釋曰猶言疇昔也司馬溫公  
公主制詞寵光之盛誰替而然

武帝封禪後下詔曰遭天地况施著見景象肩然如有  
聞註謂聞呼萬歲者三也

唐太宗決獄芋然為徹膳止樂

抱朴子以蟻鼻之缺而捐無價之淳鈞東坡詩護此一  
蟻缺

鮑永傳論言之者雖誠而聞之未譬註譬猶曉也

丙吉奏記霍光請立宣帝曰願將軍詳大義然以著龜  
豈宜註卜其宜與不宜也

司馬子如曰子如從夏州策一杖投相王王給露車眷



狩牛贖此外皆人上取得尉景謂石董桶曰我止人上取爾割天子調人上取今俗語猶有之

待詔寵上言今雉以博士行禮之日歷階登堂萬衆睢睢驚怪連日徑歷三公之府太常宗正典宗廟骨肉之官然後入宮其宿畱告曉人具備淡切雖人道相戒何以過是

王大見王恭坐六尺簟因語恭卿東來故應有此物可以一領及我韓滉遣使獻羅每擔夫與白金一版唐書賜衣一稱紙萬番左傳祭服五稱註單複具曰稱

酒一器曰一盛

出左傳

袁安贊曰袁公竇氏之間乃情帝室

傅子曰太原發冢破棺得一婦人與語生人也視其冢上樹可三十歲不知此婦人三十年常生於地中耶將一朝歟生偶與發冢者會也

莊子譬之猶一覘也與瞥同過目下

揚惲傳古與今猶一丘之貉也

第五倫上書曰以貴戚廢鋼當復以貴戚浣濯之猶解醒當以酒也

荆公詩日高青女尚橫陳橫陳二字見宋玉風賦橫自陳兮君之前古詩迴眸百萬橫自陳楞嚴經於橫陳時味如嚼蠟

積燼毀玉出太玄猶言水滴石穿也

何恢有妓美阮佃夫求之。不肖佃夫拂衣出戶曰：惜指失掌耶。

魏徙勅勒於河西，勅勒驚曰：圜。吾於河西欲殺吾也。圜其權切。又其卷切。

爾雅：覲，鬚音陌。蒙，草木蒙茸貌。

杜欽傳：熏，棘。天下棘音燎，言權勢灼人也。

劉向傳：水旱饑，喙螟螣蝻。午而起，蝻午猶雜沓也。

芻豢風吹，帷帳動貌。見漢書。騷殺，飄揚貌。南都賦：駙承華之蒲梢，飛流蘇之騷殺。

左傳：今執事搯然，授兵登陴，將以誰罪。搯，闕上聲。勁，忿貌。

無備而官辦者猶拾瀋也瀋汁也

余將老使郤子逞其志庶有象乎象解也

食貨志以所入貢但賒之註但空也言空賒與之不取  
息利也

丙吉傳西曹地忍之註地第也

荆公在歐公坐作詩老蘇得而字詩曰談詩究乎而荆  
公又作而字二詩一曰采鯨抗波濤風作鱗之而一曰  
兀傲何賓客兩忘我與而考工記梓人深其爪出其目  
作其鱗之而誌之而頰頷也

表異錄終